

Cijeneći značaj očuvanja pohoprivrednog zemljišta, promoche zdrave hrane i razvoja lokalne proizvodnje, smatram da bi realizacija ovakvog programa doprinela aktiviranju zapuštenog zemljišta i unapređenju kvaliteta života građana Kantona Sarajevo.

Molim da nadležna ministarstva razmotre ovu inicijativu i o poduzetim aktivnostima informišu Skupštinu Kantona Sarajevo.”.

Odgovor:

Uzimajući u obzir navedenu inicijativu, najprije ukazujemo da je davanje u zakup državnog poljoprivrednog zemljišta regulisano od člana 105. do člana 116. Zakona o poljoprivrednom zemljištu (“Službene novine Federacije BiH”, broj 52/09).

U skladu sa članom 128. stav (2) Zakona o poljoprivrednom zemljištu federalni ministar poljoprivrede, vodoprivrede i šumarstva donio je Pravilnik o sadržaju i obliku obrazaca i načinu vođenja evidencija o poljoprivrednom zemljištu (“Službene novine Federacije BiH”, broj 72/09). U skladu sa članom 6. stav 2. navedenog pravilnika, propisano je vođenje slijedećih evidencija:

- evidencija o površini poljoprivrednog zemljišta u hektarima po katastarskim kulturama i klasama;
- evidencija o posjedovnoj strukturi poljoprivrednog zemljišta;
- evidencija o poljoprivrednom zemljištu koje je promjenilo namjenu;
- evidencija o neobrađenom, zapuštenom i miniranom poljoprivrednom zemljištu;
- evidencija o poljoprivrednom zemljištu koje koristi ili kojim upravlja, odnosno raspolaže pravno lice;
- evidencija o meliorisanom poljoprivrednom zemljištu;
- evidencija o komasiranom poljoprivrednom zemljištu.

Dakle, iz navedenog je vidljivo da predmetnim pravilnikom nije regulisano vođenje evidencija o vlasničkoj strukturi poljoprivrednog zemljišta, a samim time ne postoji ni evidencija poljoprivrednog zemljišta u vlasništvu Kantona Sarajevo.

S tim u vezi, Ministarstvo privrede Kantona Sarajevo obratilo se aktom broj: 07-07-04-644/26 od 31.03.2026. godine Federalnom zavodu za agropedologiju i Federalnom ministarstvu poljoprivrede, vodoprivrede i šumarstva, obzirom da isti u skladu sa članom 29. Zakona o poljoprivrednom zemljištu vode Zemljišno-informacioni sistem Federacije, sa zahtjevom da nam navedeni dostave podatke o poljoprivrednom zemljištu koje se nalazi na području Kantona Sarajevo, a koje se u zemljišnoj knjizi vodi kao vlasništvo Kantona Sarajevo.

Federalni zavod za agropedologiju dostavio je ovom ministarstvu akt broj: 01/03-20-2-244-2/26 od 07.04.2026. godine iz kojeg je vidljivo da isti ne raspolažu evidencijom o poljoprivrednom zemljištu u vlasništvu Kantona Sarajevo, a Federalno ministarstvo poljoprivrede, vodoprivrede i šumarstva do dana sačinjavanja ovog odgovora nije dostavilo očitovanje po našem zahtjevu.

Uzimajući u obzir sve navedeno, Ministarstvo privrede Kantona Sarajevo ne raspolaže podacima o poljoprivrednom zemljištu u vlasništvu Kantona Sarajevo, te shodno tome, nije moguće pristupiti realizaciji predmetne zastupničke inicijative u skladu sa odredbama čl. 105. – 116. Zakona o poljoprivrednom zemljištu.

S poštovanjem,



MINISTAR

Zlatko Mijatović

Dostavljeno:

1. Naslovu,



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

2/3